

# KEV ROV MUAB UA ZOO SAIB DUA

---

## Kev Rov Muab Ua Zoo Saib Dua Yog Dab Tsi?

Kev Rov Muab Ua Zoo Saib Dua yog qhov kev thov rau lub Chaw Ua Hauj Lwm Txog Cov Kev Taug Xyuas Kev Ncaj Ncees Fab Kev Kav Tswj (Office of Administrative Hearings, OAH) los sis Lub Tuam Tsev Hauj Lwm kom kho qhov kev txiav txim ntawm kev taug xyuas kev ncaj ncees zaum kawg nkaus.

Tuaj yeem thov tau qhov Kev Rov Muab Ua Zoo Saib Dua yog tias koj los sis lub chaw hauj lwm hauv cheeb tsam xav tias:

- Muaj qhov yuam kev nyob rau fab kev tuav ntaub ntawv
- Muaj qhov yuam kev tiag
- Muaj qhov yuam kev nrog rau kev cai lij choj
- Tus neeg ua hauj lwm ntawm kev taug xyuas kev ncaj ncees tau ua yuam kev uas tsis txiav kev muaj cai ntawm lawv tus kheej

## Kuv yuav thov qhov Kev Rov Muab Ua Zoo Saib Dua li cas?

Qhov kev thov Kev Rov Muab Ua Zoo Saib Dua yuav tsum ua kom tsis pub dhau 15 hnuv tom qab hnuv tim koj tau txais qhov kev txiav txim ntawm kev taug xyuas kev ncaj ncees zaum kawg nkaus. Qhov kev thov yuav tsum yog sau ua ntaub ua ntawv. Nws yuav tsum sau hais txog lub laj thawj tshwj xeeb uas koj xav tias muaj qhov yuam kev fab kev tuav ntaub ntawv los sis qhov yuam kev tseeb tiag los sis nrog rau kev cai lij choj. Yog tias koj xav tias tus neeg ua hauj lwm ntawm kev taug xyuas kev ncaj ncees tau ua yuam kev uas tsis txiav kev muaj cai ntawm lawv tus kheej, ces koj yuav tsum piau qhia lub laj thawj tias vim li cas. Kev txiav kev muaj cai yog thaum koj thov lwm tus Neeg Tu Plaub los sis Tus Neeg Ua Hauj Lwm Ntawm Kev Taug Xyuas Kev Ncaj Ncees vim koj xav tias lawv muab tsis tau kev ncaj cees los sis coj tsis ncaj nruab nrab rau ob tog. Dhau li no lawm koj kuj yuav tsum xa daim ntawv theej tawm ntawm koj qhov kev thov rau lub chaw hauj lwm hauv cheeb tsam thiab rau Lub Tuam Tsev Hauj Lwm Ntsig Txog Kev Tsim Kho Cov Kev Pab Cuam (Department of Developmental Services, DDS) los sis OAH.

## Yuav muaj dab tsi tshwm sim tom qab kuv ua qhov kev thov rau Kev Rov Muab Ua Zoo Saib Dua?

Tej zaum lub chaw hauj lwm hauv cheeb tsam yuav xa cov ntaub ntawv tsis pom zoo los sis pab txhawb qhov kev thov. Yog tias tus neeg ua hauj lwm ntawm kev taug xyuas kev ncaj ncees tau ua qhov kev txiav txim kawg nkaus, ces lwm tus neeg ua



hauj lwm ntawm kev taug xyuas kev ncaj ncees yuav tshab xyuas daim ntawv thov Kev Rov Muab Ua Zoo Saib Dua.

Yog tias koj ua qhov kev thov Kev Rov Muab Ua Zoo Saib Dua ncav sij hawm, ces koj cov kev pab cuam tam sim no (nyiaj pab them tos kev txiav txim) yuav muaj txuas mus ntxiv txog 10 hnuv tom qab qhov kev txiav txim ntawm Kev Rov Muab Ua Zoo Saib Dua.

Tsis pub dhau 15 hnuv tom qab qhov kev thov Kev Rov Muab Ua Zoo Saib Dua nws yuav:

- Muaj kev tsis pom zoo
- Muaj kev pom zoo thiab qhov kev txiav txim uas tau hloov kho; los sis
- Muaj kev pom zoo thiab teeb tseg kom ua kev taug xyuas kev ncaj ncees tshiab rau koj qhov teeb meem. Qhov kev taug xyuas kev ncaj ncees yuav tsum ua kom tsis pub dhau 50 hnuv tom qab hnuv tim qhov kev thov tau txais kev pom zoo.

Qhov kev txiav txim ntawm Kev Rov Muab Ua Zoo Saib Dua yuav tsum muaj kev sib txuas lus rau koj thiab lub chaw hauj lwm hauv cheeb tsam kom tsis pub dhau ib hnuv tom qab tau ua qhov kev txiav txim. Koj yuav tau txais qhov kev txiav txim ntawm Kev Rov Muab Ua Zoo Saib Dua ua koj hom lus uas nyiam siv

Yuav tsum xa qhov kev txiav txim siab hloov kho qhov yuam kev fab kev tuav ntaub ntawv los sis qhov yuam kev tseeb tiag los sis nrog rau kev cai lij choj tuaj rau koj, lub chaw hauj lwm hauv cheeb tsam, thiab Lub Tuam Tsev Hauj Lwm Ntsig Txog Kev Tsim Kho Cov Kev Pab Cuam kom tsis pub dhau 5 hnuv ua hauj lwm tom qab qhov kev txiav txim ntawm Kev Rov Muab Ua Zoo Saib Dua.

Koj tsis tas yuav ua kom dhau qhov Kev Rov Muab Ua Zoo Saib Dua ua ntej ua txuas mus ntxiv rau tsev hais plaub.

## **Txoj Hauv Kev Thov Kev Pab**

Tej zaum koj yuav tuaj yeem thov tau kev pab ua kom nkag siab koj cov kev muaj cai thov kom rov qab txiav txim dua. Qee cov chaw sawv cev uas tej zaum yuav tuaj yeem pab tau yog muaj nyob ntawm kev nyem rau qhov chaw taum Kev Thov Kev Pab (Getting Help) ntawm: [Pob Ntawv Cov Ntaub Ntawv Kev Paub Txog Cov Kev Thov Kom Rov Qab Txiav Txim Dua Ntawm Tsab Cai Lanterman - California Lub Tuam Tsev Hauj Lwm Ntsig Txog Kev Tsim Kho Cov Kev Pab Cuam \(CA Department of Developmental Services\)](#)

